

(二七〇) [0070c02]

如是我聞：

一時，佛住舍衛國祇樹給孤獨園。

爾時，世尊告諸比丘：「無常想①修習 多修習，能斷一切 欲愛②、色愛③、無色愛④、掉⑤、慢⑥、無明。

譬如 田夫⑦，於夏末秋初深耕其地，發荇斷草⑧。

如是，比丘！無常想修習多修習，能斷一切欲愛、色愛、無色愛、掉、慢、無明。

「譬如，比丘！如人 刈⑨草，手攬其端，舉而抖擻，萎枯悉落，取其長者。

如是，比丘！無常想修習多修習，能斷一切欲愛、色愛、無色愛、掉、慢、無明。

「譬如 荳羅 ⑨ 果 ⑩ 著樹，猛風搖條，果悉墮落。

如是，無常想修習多修習，能斷一切欲愛、色愛、無色愛、掉、慢、無明。

「譬如樓閣，中心堅固，眾材所依，攝受不散。

如是，無常想修習多修習，能斷一切欲愛、色愛、無色愛、掉、慢、無明。

「譬如一切眾生跡，象跡為大，能攝受故。

如是，無常想修習多修習，能斷一切欲愛、色愛、無色愛、掉、慢、無明。

「譬如閻浮提一切諸河，悉趣 ⑥大海，其大海者，最為第一，悉攝受故。

如是，無常想修習多修習，能斷一切欲愛、色愛、無色愛、掉、慢、無明。

「譬如日出，能除一切世間闇冥。

如是，無常想修習多修習，能斷一切欲愛、色愛、無色愛、掉、慢、無明。

「譬如轉輪聖王，於諸小王最上、最勝。

如是，無常想修習多修習，能斷一切欲愛、色愛、無色愛、掉、慢、無明。

「常修習無常想能建立無我想，而能離無明」諸比丘！

云何修無常想，修習多修習，能斷一切欲愛、色愛、無色愛、掉、慢、無明？

若比丘於空露地^⑪、若林樹間，善正思惟，觀察色無常，受、想、行、識無常。

如是思惟，斷一切欲愛、色愛、無色愛、掉、慢、無明。

所以者何？無常想者，能建立無我想，聖弟子住無我想，心離我慢，順得涅槃。」

佛說是經已，時，諸比丘聞佛所說，歡喜奉行。

【校勘】

⑪「菴羅」，巴利本作 Amba。

⑥「趣」，大正藏原為「赴」，今依據宋、元、明三本改作「趣」。

【註解】

① 無常想：作無常的觀想。

② 欲愛：欲界眾生（感官之欲）的渴愛。

③ 色愛：（斷除淫欲的）色界眾生的渴愛。

④ 無色愛：（斷除淫欲與物質欲的）無色界眾生的渴愛，即不想存在的渴愛。

⑤ 掉：即「掉舉」，內心躁動不安。

⑥ 慢：傲慢。

⑦ 田夫：農夫。

⑧ 發芟斷草：斬草除根。「芟」讀作「該」，「發芟」是「除根」的意思。

⑨ 刈：割取。讀作「易」。

⑩ 菴羅果：芒果。

⑪ 空露地：室外空曠的地方。

【對應經典】

- 南傳《相應部尼柯耶》〈蘊相應 22〉第 102 經無常性(想)經。

【讀經拾得】

- 《增壹阿含經》卷 32〈力品 38〉：「
- 當思惟無常想，廣布無常想，
- 已思惟無常想，廣布無常想，
- 便斷欲愛、色愛、無色愛，盡斷憍慢、無明。」(CBETA, T02, no. 125, p. 724, a9-11) 本經則進一步說明這是因為「
- 無常想者，能建立無我想，
- 聖弟子住無我想，心離我慢，順得涅槃。」
-
- 本經中提到的「色愛、無色愛、掉、慢、無明」也是阿羅漢所斷的「五上分結」。